

आकाशवाणी

खबरां पूजा वजीर कोला

1. प्रधानमंत्री नरेंद्र मोदी होरें मेक इन इंडिया बैटरी संचालित गड्डी 'E-Vita' गी इंडी दस्सी, गुजरात च हाइब्रिड Hybrid battery electrodes बनाने आहले प्लांट दा उद्घाटन कीता। मोदी होरें इसी देश दे मेक इन इंडिया दे नमैं आध्याय दी शुरूआत आखेआ।
2. भारती नौसेना नै अज्ज विशाखापत्नम च उन्नत खुफिया युद्धपोत उदयगिरी ते हिमगिरी गी पानी च तोआरेआ।
3. रक्षा अमले दे प्रमुख जनरल अनिल चौहान होरें आखेआ ऐ जे भारत दा अपनी वायु रक्षा प्रणाली यानि सुदर्शन चक्र महत्वपूर्ण थाहरें दी रक्षा ढाल ते तलवार बनिए करोग।
4. मानसून दी बरखा नै जम्मू, पंजाब ते हिमाचल प्रदेश च विनाशकारी रूप लेया, दरिया उफान पर, प्रशासन नै हाड़ गी लेइए अलर्ट जासरी कीता ते लोकें गी सुरक्षित थाहरें पर जाने आस्तै आखेआ गेआ ऐ।
5. सिफ्त कौर सामरा नै एशियाई निशानेबाजी प्रतियोगिताएं च महिलाएं दी 50 मीटर राइफल स्पर्धा च सुन्ने दा तगमा हासिल कीता।

<><><><><><>

PM-Gujrat

प्रधानमंत्री नरेंद्र मोदी होरें आखेआ ऐ जे भारत दे मेक इन इंडिया सफर च इक नमा अध्याय शामिल होआ' रदा ऐ जेदे कन्नै मेक इन इंडिया यानि भारत च बनाओ ते मेक फान द वर्ल्ड दुनिया आस्तै निर्माण करने दे देश दे धेइयै च इक महत्वपूर्ण विकास होआ ऐ। गुजरात दे टीडीएस लिथियम इओन बैटरी प्लांट च हाइब्रिड बैटरी इलेक्ट्रोड्स दे उतदन दा शुभारम्भ करने मगरा कट्ठ गी संबोधित करदे होई प्रधानमंत्री होरें आखेआ जे इसी करी भारत-जपान बश्कार दोस्ताना रिश्ते गी नमा रूप मिलोग। मोदी होरें आखेआ जे भारत दे कोल प्रजातंत्र दी ताकत, जसांखियकी दा फायदा ते हुनरमंद कम्म करने लायक लोकें दी मजबूती ऐ। उनें जोड़ेआ जे मारुति सुजुकी जनेइयां कंपनियां मेक इन इंडिया दे ब्रैंड एम्बेसडर बनी चुकी दियां न। प्रधानमंत्री होरें भारत-जपान दी बददी सांझेदारी पर लो पांदे होई आखेआ जे 2047 तोड़ी आत्मनिर्भर भारत बनने दे धेइये गी पूरा करने दे सफर च जपान दी भूमिका मुख् सांझेदार दी ऐ।

<><><><><><>

Navy

भारतीय नौ-सेना नै अज्ज विशाखापट्टनम स्थित नौ-सेना अड्डे पर उन्नत खुफिया युद्धपोत उदयगिरी ते हिमगिरि गी पानी च तोआरेआ। रक्षामंत्री राजनाथ सिंह होर इस समारोह दी अध्यक्षता कीती। एह पैहला मौका हा- जिसलै 2 बक्ख-बक्ख पोत- कारखानें च तयार अग्रणी सतह आहले युद्धपोतें गी पानी च तोआरेया गेआ- जेड़ा भारत दे पूर्वी समुन्द्री तट दे बददे समुन्द्री महत्व गी दर्शादा ऐ। रक्षा मंत्रालय नै आकखेया ऐ जे इनें दौनें जहाजें दे डिजाइन-हथियार ते सेंसर प्रणालियें च महत्वपूर्ण सुधार कीते न। इनेंगी 20 सौ थवां मते भलेया लौहके-लौहके ते दर्मयाने दर्जे दे उपक्रमें थवां हासल अंशदान थवां तयार कीता गया ऐ ते इनेंगी बनाने दी प्रक्रिया च लगभग 4 हजार प्रतक्ख ते 10 हजार परोक्ष रोजगार पैदा होए।

<><><><><><>

FM-China

विदेश मंत्रालय च पच्छमी मुल्खें सरबन्धी मामलें दे सचिव तन्मय लाल होरें अज्ज प्रधानमंत्री नरेंद्र मोदी हुंदी औंदी चीन जातरा दे बारें च मीडिया गी जानकारी दिती। उनें दस्सेआ जे प्रधानमंत्री मोदी चीन दे राष्ट्रपति शी जिनपिंग हुंदे साददे पर 31 अगस्त ते पैहली सितंबर गी शंघाई सहयोग संगठन परिषद एससीओ दे राष्ट्र अध्यक्षें दी 25मीं बैठक च शामिल होने लेई चीन दे नियानजिन जांगन। उनें आखेआ जे एससीओ दी स्थापना मुंडले तौरा पर आतंकवाद दा सफाया करने लेई कीती गई ही।

<><><><><><>

Home Minister Vibrant Village

केंद्री गृह मंत्री अमित शाह होरें अज्ज नमी दिल्ली च 2 दिनें दे वाइब्रेंट विलेज कार्यक्रम कन्ने सरबन्धत इक कार्यशाला दे उद्घाटन सत्र गी संबोधित कीता। एहदा सरिस्ता गृह मंत्रालय दे सीमा प्रबंधन सरबन्धि विभाग दी तरफा कीता गेदा ऐ। इस मौके पर अमित शाह होरें आखेआ जे वाइब्रेंट विलेज कार्यक्रम त्रै मुख बिंदुएं पर आधारित ऐ। इन्दे च बन्ने कन्ने लगदे इलाकें दे ग्राएं सवां लोकें दे ग्रां छोड़ियै शैहरें नगरें बक्खी उठी जाने गी रोकना ते एह यकीनी करना ऐ जे इनें ग्राएं दे लोकें गी केंद्र ते राज्य सरकारें दिएं स्कीमें दा पूरा-पूरा लाह हासल होऐ। उनें आखेआ जे इसदा मकसद बन्ने कन्ने लगदे इलाकें दी सुरक्षा गी बी यकीनी बनाना ऐ ते इनें ग्राएं गी सुरक्षा दे इक मजबूत तंत्र दे रूपै च विकसित करना ऐ। शाह होरें आखेआ जे वाइब्रेंट विलेज कार्यक्रम दे तैहत ताले गेदे ग्रां, देश ते ओहदिएं सीमाएं दी रक्षा लेई महत्वपूर्ण साबत होंगन। इस कार्यक्रम दे राहें बुनियादी ढांचा विकास गी बढ़ावा देने, संस्कृति दे संरक्षण, सैलसफा

दे जरिए कम्म -रोजगार पैदा करना ते ग्रां दे जीवन गी हर चाल्ली कन्नै जीवंत बनाने दी कोश्ट कीती जा'रदी ऐ।

<><><><><><>

CDS

रक्षा अमले दे प्रमुख, जनरल अनिल चौहान होरें आखेआ ऐ जे भारत दे अपना ईरान ड्रोन यानि मोबाइल वायु रक्षा प्रणाली सुदर्शन चक्र कवच ते तलवार दवें दी भूमिका निभांदे होई रणनीतिक, नागरिक ते राष्ट्र व्यापी महत्वपूर्ण थाहरें दी रक्षा करोग। मध्य प्रदेश दे आर्मी वार कालेज च 2 दिन दे 201 संवाद 2025 गी संबोधित करदे होई जनरल चौहान होरें आखेआ जे प्रणाली मजबूत ढांचे दे विकास गी पक्का करोग ते दुश्मन दे ब्हाई उपकरणों दा पता लाने, उर्नेगी नष्ट करने च मदद करोग।

<><><><><><>

Punjab Rain

पंजाब दे मते सारे इलाकें च पिछले किश दिनें थमां लगातार बरखा ते हिमाचल प्रदेश थमां पंजाब दी नहरें च पानी परतोने करी राज्य अलर्ट पर ऐ। बेआस, रावी, सतलुज उफान पर न ते फाजिल्का, फिरोजपुर, कपूरथला, होशियारपुर, गुरदासपुर ते पठानकोट दे किश हिस्सें च हाड़ जनेय हालात लब्बा करदे न। पठानकोट दे चक्की नहर च पानी दा स्तर बढने करी पठानकोट कैंट थमां कंडरोरी तोड़ी रेल ट्रेफिक रोकी दिती गई ऐ। श्री माता वैष्णो देवी कटड़ा-नर्मिं दिल्ली वंदे भारत एक्सप्रेस दा रस्ता बदली दिता गेआ ऐ ते ओह पठानकोट-गुरदासपुर-अमृतसर-बेयास जालंधर कैंट थमां होऐ कटड़ा पुज्जोग।

<><><><><><>

HP-Rains

हिमाचल प्रदेश च बी बगैर रुके दे लगातार बरखा पोने करी आम जीवन पर माड़ा असर पेआ ऐ। नदी नाले च पानी दा स्तर बदी गेआ ऐ ते किश थाहरें पर पस्सी पौने दे हादसे होने दी खबर ऐ। विभाग नै कांडा ते चंबा च खरी मती बरखा पौने दी मेद दे चलदे रेड अलर्ट जारी कीता ऐ ते किश थाहरें पर अज्जै आस्तै येलो अलर्ट जारी कीता गेआ ऐ।

<><><><><><>

Heavy-Rainfall

समूलचे जम्मू प्रांतै पिछले 3 दिनें थमां भारी बरखा होआरदी ऐ ते पिछले 24 घंटे दरान समूलचे प्रांतै च हाड़े आहली स्थिति पैदा होई गेदी ऐ। सब्बनें बड़्डे दरेयाएं-नदिएं ते नालें च पानी दा स्तर खतरे दे नशान कोला उप्पर बने दा ऐ ते मौसम विभाग नै बरखा रूकने दे कोई आसार नेही दस्से न। झिगड़े इलाकें च पानी जमा होई चुके दा ऐ ते बरखा दे चलदे एहदे च होर बाददा होंदा जारदा ऐ। तवि नदी च पानी खतरे दे नशान कोला उप्पर बगै करदा ऐ। अतिरिक्त जिला आयुक्त अनसुइया जम्वाल होरें लोकें अग्गे अपील कीती ऐ जे ओह घरे अंदर गै रौहन ते दरेयाएं नदिएं ते होरनें जल स्रोतें कश नेही जान। बड़े मते खराब मौसम दे चलदे सब्बै सरकारी ते प्राइवेट स्कूलें गी बंद रखने दा हुक्म जारी कीता गेदा ऐ।

<><><><><><>

Doda-Flash Floods

डोडा जिले च जंदीराती आए दे चान-चक्क हाड़ै करी घट्टोघट्ट 3 जनें दी जान चली गेई ऐ ते जानी नुकसान दे कन्नोकन्नी काफी माली नुकसान बी होआ ऐ। स्हाड़े जिला संवाददाता नै जानकारी दितती ऐ जे मरम्मत ते तांता इलाके सब्बनें शा मते प्रभावित होए दे न जित्थे कोई 15 घरे-मकानें दे हाड़ै च रूढ़ी जाने दी खबर ऐ, पैदल टुरने आहले 3 पुलें गी बी नुकसान पुज्जा ऐ। नीरू, कलनाई ते चिनाह च पानी दा स्तर बड़ा मता बधी जाने करी आले-दोआले दे इलाकें दे लोकें लेई खतरा पैदा होई गेदा ऐ। जिला प्रशासन पुलस ते आपदा राहत बल दियां टीमां लोकें गी बचाने लेई सुरक्षित थाहरें पुजाने दे कम्मै च लगगी पेदियां न। तोआई, श्री माता वैश्वो देवी जातरा मार्ग पर अद्द कुंवारी च इंद्रपरस्त भोजनालय दे कोल ल्हास-पस्सियां पौने करी किश लोकें दे जखमी होने दी खबर ऐ। बचा आहले अमला ते मशीनरी कन्नै बचाव अभियान शुरू करी दिता गेदा ऐ। इस घटना दे मगरा श्री माता वैश्वो देवी श्राइन बोर्ड नै जातरा गी आरजी तौरा पर रोक्की दिता ऐ।

<><><><><><>

JK Order

खरी मती ते लगातार बरखा करी पैदा होए दे हालतें ते लोकें दी सुरक्षा गी ध्यान च रखदे होई सरकार नै निर्देश दिते न जे कल यानि 27 अगस्त 2025 गी सारे कालेज यूनिवर्सिटीज, कोचिंग केंद्र प्रशिक्षण केंद्र बंद रौहंगन। जरूरी सेवाएं सेहत, आपातकालीन प्रतिक्रिया, कन्नू, जरूरी चीजें दी आपूर्ति सरबन्धी मैहकमें गी छोड़ियै सारे सरकारी ते निजी दफ्तर बी कल बंद रौहंगन।

<><><><><><>

Sports-Shooting

भारती ओलंपियन सिफ्ट कौर सामरा नै 16मी एशियाई शूटिंग चैंपियनशिप च महिलाएं दे 50 मीटर राइफल गी पोजिशन स्पर्धा च सुन्ने दा तगमा जिती लैता ऐ। एह प्रतियोगिता कजाखस्तान दे शमेमकेंट च होई। सिफ्ट नै एह खिताब हासल करने आस्तै 459.2 अंक हासल कीते। उन्दे पिच्छे चीन दी Yujie Yang नै 458.8 अंक ते जपान दी मिसाका नोबाता नै 448.2 अंक हासिल कीते।

<><><><><><>

Sink Field Cup Chess

शतरंज च भारती ग्रैंड मास्टर आर. प्रज्ञान नंधा नै सिंकफील्ड कप दे 7में गेड़ च फ्रांस दे अलीरेजा फिरौजा गी हराई दिता ऐ। इस जित दे कन्नै गै प्रज्ञाननधा नै प्रतियोगिता च सांझी बढ़त हासल करी लैती ऐ। उप्परोतली ड्रा दे बाद एह उंदी दुई जित ऐ। एहदे कन्नै उंदे कुल अंक 4 इशारिया 0 होई गे न ते ओह अमरीका दे फेबियानो कारुआना दे बरोबर पुज्जी गेन।

<><><><><><>

Control Rooms

जम्मू-कश्मीर च मौलेधार बरखा कन्नै प्रभावित सब्बनें जिलें च बक्ख-बक्ख मैहकमे हाई अलर्ट पर न ते विस्थापितें गी सुरक्षित थाहरें पर पजाने दे प्रयास शुरू करी दिते गेदे न। हर जिले च हेल्पनाइन स्थापित कीतियां गेइयां न स्थानीय पुलस, हाइ नियंत्रण ते सिंचाई मैहकमे, सेहत सेवां ते एमरजेंसी सेवां हाई अलर्ट पर न। सरकार नै हुक्म रसाल कीता ऐ जे हाइ सुरक्षा कम्में च शामिल कोई बी अधिकारी इनें जिलें च इस बेल्ले कोई छुट्टी नेई लेई सकोग। इस दरान अधिकारिएं जम्मू संभाग दे सब्बनें 10एं जिलें आस्तै हेल्पलाइन नंबर जारी कीते न। एह नंबर न, जम्मू लेई 0191-25-71-616, साम्बा आस्तै 01923-241-004, कठुआ लेई 01922-238-796, डोडा आस्तै 9596-77-62-03 ते किश्तवाड़ आस्तै नंबर ऐ 9484-21-74-92..। एह सारे नम्बर सब्बनें आधिकारिक सोशल मीडिया प्लैटफार्में उप्पर उपलब्ध न। लोक कुसै बी आपातकालीन स्थिति च इनें टेलीफोन नम्बरें उप्पर संपर्क करी सकदे न।

<><><><><><>

Traffic Halted

जम्मू-श्रीनगर राष्ट्रीय जनरल शिडक (एन.एच-44) पर पुस्तियां पौने, कुप्पड़ डिगने ते बख-बख खेतरे च जारी भारी बरखा दे कारण आम दोरफत रोककी दिती गई ऐ। अधिकारिण सलाह दिती ऐ जे जात्रिण गी उस्सलै तगर जातरा करने कोला परहेज करना चाइदा जिस्सलै तगर मौसम च सुधार नेई होई जंदा ते शिडकै गी पूरी चाल्ली साफ नेई करी दिता जंदा। पुस्तियां पौने ते हाड़ दे कारण जम्मू शा उधमपुर जाने आहला रस्ता बी बंद ऐ। एहदे अलावा भारी बरखा दे चलदे रियासी जिले च कटड़ा-शिवखोड़ी शिडक बी बंद होई गेदी ऐ जेदे करी ट्रैफिक गी कन्नै लगदे होरने वैकल्पिक रस्ते आहली बखी मोड़ी दिता गेआ ऐ। जात्रिण गी सलाह दिती जंदी ऐ जे आधिकारिक स्रोतें राहें ट्रैफिक अपडेट दे बारे च सूचना हासल करदे रहन।

<><><><><><>

Schools Closed

जम्मू प्रांतें च जारी भारी बरखें ते एहदे करी बने दे हालात गी ध्यानै च रखदे होई सब्बे सरकारी ते प्राइवेट स्कूल कल बुधवारें 27 अगस्त गी बी बंद रखे जाडन। जम्मू-कश्मीर स्कूली शिक्षा बोर्ड नै बी कल 27 अगस्त गी लैते जाने आहले 10मी ते 11मी क्लास दे मतेयान बी अगड़े पाई दिते गे न। इनें मतेयानें लेई नमिण तरीकें दी घोषणा मगरा बखरे तौरा पर कीती जाहग।

<><><><><><>

CM-Meeting

मुख्यमंत्री उमर अब्दुल्ला होरें अज्ज बड़लै इक उच्ची सतह दी बैठक सदियै जम्मू-कश्मीर च पिछले 3 दिनें थमां जारी बरखा करी पैदा होए दे हालात दी समीक्षा कीती। उनें सरबन्धित अधिकारिण गी पूरी चाल्ली सौहगे ते सतर्क रहने, हालात पर नेइमी तक्क रखने ते आपदा प्रबंधन टीम कन्नै नेइमा राबिता बनाई रखने पर जोर दिता। मुख्यमंत्री होरें जम्मू प्रांतें च भारी बरखा करी पैदा होए दे हालात पर चिंता प्रगट करदे होई आखेआ जे ओह आपूं जम्मू आइयै हालात दा जायजा लैडन। उनें दस्सेआ जे सब्बनें जिलें दे डीसी-ए कश बाददू फंड उपलब्ध रखने दे निर्देश देई दिते गेदे न तां जे हालात मूजब कारवाइयें गी अंजाम देने च कोई बी कुसै बी किस्मै दी दिक्कत परेशानी पेश नेई आवै ते राहत, बचाव ते पुर्नवहाली दे कम्में गी कन्नोकन्नी अंजाम दिता जाई सकै। उमर अब्दुल्ला होरें लोकें अगगे अपील कीती ऐ जे ओह सौहगे-सतर्क रहन ते प्रशासन आसेआ जारी कीते जाने आहले दिशा-निर्देशों दी पूरी संजीदगी कन्नै पालमा करन।

<><><><><><>

PM-MKB

प्रधानमंत्री नरेन्द्र मोदी होर 31 अगस्त ऐतवार दिनें 11 बजे अपने माहवार रेडियो कार्यक्रम “मन की बात” दे राएं देश-बदेश च रौहने आहले लोकें कन्नै अपने बचार सांझे करडन। एह इस कार्यक्रम दी 125मीं किशत होग जेहदा प्रसारण आकाशवाणी ते दूरदर्शन दे समूलचे नेटवर्क दे कन्नो-कन्नी आकाशवाणी खबरें दी वेबसाइट ते न्यूज़ ऑन ए.आई.आर मोबाइल ऐप ते डीडी न्यूज़, आकाशवाणी न्यूज़, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाहग। आकाशवाणी जम्मू आसेआ मन की बात दे तुरत मगरा एहदा डोगरी च अनुवाद प्रसारत कीता जाहग जिसी तुस रातीं 8 बजे इक बारी परतियै बी सुनी सकदे ओ।

<><><><><><>